

## **ԴՊՐՈՑՈՒՄ ԲՈՒԼԻՆԳԻ ԲԱՑԱՀԱՅՏՄԱՆՆ ՈՒՂՂՎԱԾ ՄԵԹՈԴԻԿԱՆԵՐ**

**Տարիքային խումբ** - կրտսեր դպրոցականներ և դեռահասներ:

**Նպատակը** - Պարզել դասարանում բռնության առկայության մասին (ինչպես աշակերտների, այնպես էլ ուսուցիչների կողմից):

### **1. Հոգեբանական մթնոլորտը դասարանում (մեթոդիկա ըստ Ֆեդորենկոյի)**

Դասարանում հոգեբանական մթնոլորտն ուսումնասիրելու նպատակով խնդրում ենք պատասխանել հետևյալ հարցերին՝ շրջանակի մեջ վերցնելով այն պատասխանը, որի հետ համակարծիք ես:

#### **1. Ի՞նչ տրամադրությամբ ես հաճախում դպրոց:**

- 1) միշտ լավ տրամադրությամբ
- 2) ավելի հաճախ լավ, քան վատ
- 3) անտարբեր
- 4) ավելի հաճախ վատ, քան լավ
- 5) միշտ վատ տրամադրությամբ

#### **2. Քեզ դո՞ւր են գալիս դասընկերներդ:**

- 1) այո, դուր են գալիս
- 2) շատերն ինձ դուր են գալիս
- 3) անտարբեր եմ դասընկերներիս նմատմամբ
- 4) քչերն են ինձ դուր գալիս
- 5) ոչ ոք ինձ դուր չի գալիս

#### **3. Երբեք ցանկություն ունեցե՞լ ես տեղափոխվել այլ դասարան:**

- 1) երբեք չի եղել նման միտք
- 2) երբեմն մտածում եմ
- 3) ինձ չի հետաքրքրում, թե որտեղ կսովորեմ
- 4) հաճախ է պատահում
- 5) ես անընդհատ մտածում եմ այդ մասին

**4. Արդյո՞ք դասերը հետաքրքիր են անցկացվում:**

- 1) շատ հետաքրքիր են անցկացվում
- 2) ավելի շատ՝ հետաքրքիր, քան՝ անհետաքրքիր
- 3) անտարբեր եմ
- 4) ավելի շատ՝ անհետաքրքիր, քան՝ հետաքրքիր
- 5) ընդհանրապես հետաքրքիր չեն անցկացվում

**5. Ինչպիսի՞ն է ուսուցչի վերաբերմունքը քո նկատմամբ:**

- 1) շատ լավ
- 2) լավ
- 3) անտարբեր
- 4) վատ
- 5) շատ վատ

**6. Ինչպիսի՞ն է այլ ուսուցիչների վերաբերմունքը քո հանդեպ:**

- 1) քաղաքավարի են, հարգալից
- 2) հաճախ՝ քաղաքավարի, երբեմն էլ՝ կոպիտ
- 3) ինձ չի հետաքրքրում նրանց վերաբերմունքը
- 4) կոպիտ են, երբեմն՝ քաղաքավարի
- 5) շատ կոպիտ

**Արդյունքների մշակում:** Յուրաքանչյուր հարցի համար հաշվել այնքան միավոր, որքան տվյալ հարցի պատասխանների թիվն է:

**Մինչև 12 միավոր** – Հոգեբանական մթնոլորտը կայուն է, աշակերտը հաճույքով է հաճախում դպրոց:

**13-18 միավոր** - Աշակերտն անտարբեր է, թե ինչպիսին է մթնոլորտը դասարանում, քանի որ ունի ընկերական շփման այլ ու ավելի հաճելի խումբ:

**19-30 միավոր** - Հոգեբանական մթնոլորտը գնահատվում է բացասական, առկա է բուլինգի երևույթ:

## 2. Անավարտ նախադասությունների մեթոդիկա (ըստ Ս. Լևիի)

1. Ես չեմ սիրում, երբ իմ դասընկերները ...
2. Հրաշալի կլիներ, եթե դասընկերներս...
3. Ես տխրում եմ, երբ դասարանում ...
4. Ես ինձ վատ եմ զգում, երբ դասընկերներս...
5. Ուզում եմ, որ իմ դասարանը ...
6. Ես ուրախ և երջանիկ եմ լինում, երբ դպրոցում...
7. Ինձ դուր է գալիս, երբ դասընկերներս...
8. Խորհուրդ կտամ դասընկերներիս...
9. Ես տխրում եմ, երբ ուսուցչուհիս...
10. Ուզում եմ, որ ուսուցչուհիս...
11. Ինձ դուր է գալիս, երբ ուսուցչուհիս ...
12. Ես ինձ վատ եմ զգում, երբ ուսուցչուհիս...
13. Խորհուրդ կտամ ուսուցչուհուս ...